

En dedolönesc, ai 21 de ma, dales 10.00 ales 11.00: racoiüda dl refodam da tosser a San Martin dan le magazin di Stödafüch.

La doturia Grete Mahlknecht é demez en vëndres, ai 24 de ma, y vëgn sostituïda dal dotur Eduard Agreiter 333 13 80 857.

PLOANIES SAN MARTIN Y LUNGIARÜ

I sëis düc dër bel inviá al referat cun siur Tone Fiung "Amur y sostëgn ai mituns" en jöbia ai 23 de ma, dales 20.00, tl salf di Stödafüch a San Martin.

Invit a n dé de peregrinaje por ëres y ëi cun Christl Fink y Gabi Pichler sot al moto "Der Allwetterchrist" en sabeda, ai 25 de ma. Dales 10.00 da Pedraces sö Oies (funziun) y inant na bela roda y indô jö Pedraces. Tëmp da jí a pe: 2,5 ores – se tó do da mangé y bëre! S'anunzié pro Christl Fink: 346 30 19 667.

Invit ales Rites a festejë deboriada so santinom en mercui, ai 22 de ma, dé de Santa Rita, cun Mëssa sö Oies dales 11.00 y spo marëna tla Ciasa Urban. Prenotese pro Rita Verginer 335 10 19 128 cina incö, domënia, 19 de ma.

Por la jita a Maran di seniors da Lungiarü y S. Martin/Antermëia ai 22 de má é ciamó 7 posc lëdi. Anunziessa cina en lönesc sëra pro Renate 342 32 79 406.

Le Cor Mosaic cun la band inviëia düc a so concert ai 25 de ma, dales 20.00, tla dljia d'Al Plan sot al titul „A colourful life – n tru plëgn de corusc“.

Le cor de dljia da La Plí adöm cun le Männergesangverein Brixen y n grup de stromënc a fle, ves inviëia dër bel al "Cianté a Santa Maria" en domënia ai 26 de ma dales 16.00 tla dljia da La Pli. Düc é dër bel inviá!

Invit al iade a Kals por Les Antlés ai 30 de ma, organisé dai Seniors dl Bezirk Pustertal. Al passa na coriera ia dala Burcia dales 6.40. Dales 9.30 sarál na Feldmesse a Kals y dedô jarán sö dal Lucknerhaus a marëna. Le iade costa 25 euro y la marëna se paia vignun instës. Al é da s'anunzié por telefon 348 03 38 582 cina le lönesc ai 27 de ma danter les 18.00 y les 20.00.

LUNGIARÜ

En mertesc, ai 21 de ma, vëgnel lavé la dljia. Al vëgn perié bel che tröc/tröpes vëgnes a daidé, spo é plü bel y da fá sauri. Präibel y dilan!

La Uniun di Pëiapësc da Lungiarü tëgn indô süa sentada anuala. Chi che oress se scrí ite po gní ai 24 de ma dales 19.30 tl hotel Sanví a Lungiarü.

Incö domënia, 19 de má, "De internacional di Museums": domisdé de stories en colauraziun cun l'Uniun Ladins Val Badia tl Museum de Tor dales 15.00 - 16.00.

Ai 20 de ma é le "De mondial dles ês": Por chësta ocasiun vëgnel metü fora tla biblioteca a San Martin – da mez ma inant - libri sura les ês.

L'Istitut Ladin "Micurá de Rü" Ves inviëia dër bel ala daurida dla mostra de Jutta Valentini "Le tru dl artist - dala forma scëmpla ala figöra" en vëndres, 24 de ma, dales 18.00, tl salf dl Istitut Ladin a San Martin. La mostra é daverta dai 25 de ma ai 02 de jügn 2024, dales 10.00 ales 12.00 y dales 15.00 ales 19.00.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

19.05. - 26.05.24 n. 25

ultimo termo por comunicaziuns: jöbia, dales 20.00

PASCA DE MA

Vangele do san Jan 15,26-27;16,12-15

Te chël tëmp à Gejù dit a sü discepui: Canch' al vëgn le paraclët, ch'i ves mëni dal Pere infora, le Spirit dla verité che provëgn dal Pere, dailò daral jö testimonianza por mè. Y inçe os desses dè jö testimonianza, deach'i sëis dal scomenciamënt incà pro mè. I à ciamò tröp da ves dî, mo sëgn ne sëise nia bugn de portè na te' ciaria.

Mo canch' al vëgn ël, le Spirit dla verité, ves condejaral ite te döta la verité.

Deach' al ne baiarà nia fora de sè instës, mo al dijarà ci che ël alda, y ves incundarà ci che gnarà. Ël me glorificarà, deach' al tolarà de ci che é mi y ves l'incundarà. Döt, ci che le Pere à, é mi; porchël à dit: Al tol de ci che é mi y ves l'incundarà.



Le Spirit dla verité nes respognará sc'i ne savun nia co jí inant. Le Spirit dla verité ti metará averda a nüsc dübi y nostes tëmes. Le Spirit dla verité s'ascutará sö sc'i baudiun y pitun. Le Spirit dla verité ne zessarà nia dan da nostes domandes.

La forza dl Spirit ne tolarà nia ala lisiera les scassades che ó nes sciuré sotissura. Ara ne lasciará nia sozede ch'i stlujunse i edli dan dales realtés crödies dla vita. Cun parores fines y sensibles nes deslariaràra le cör. Ara nes consolará y spo nes daràra corajé.

En chi dis olach'i s'la odun ciarera chi s'intenunse: Crist é chiló. Te n'es nia su. En chi dis olache le lominus vëgn dlotí dala scurité, vëgnera y nes tol por la man ch'i ne junse nia ademal.

L'impormetüda vel: Crist é chiló y la presënza de Dî te süa bunté nes cercenëia. L'impormetüda vel: Chësta é la rajun da festejë incö y da laldé le Spirit dla verité.

(Te Deum)

EDEMA - B	SAN MARTIN	LUNGIARÜ
19.05.24 PASCA DE MA	10.00 Mëssa solëna por la Comunité + siur Angel Morlang (siur Klaus) + siur Franz Sottara + Sciandro Trebo, dl ann 19.30 Corona de ma sö Ju	7.50 Adoraziun 1^a pert 8.15 Liturgia dla Parora de Dî dedô Adoraziun 2^a pert
20.05.24 LÖNESCH DE PASCA DE MA <i>Maria, Uma dla Dlijia,</i> <i>Bernardin, Elfriede, Valeria</i>	8.30 Adoraziun al Spirit Sant 9.00 Liturgia dla Parora de Dî 19.30 Corona de ma a Picolin	7.50 Corona por + Maria Dapoz Clara 8.15 Gran Mëssa (siur Klaus) por families de Nazio y Loise de rengr. por fam. Paul Clara, Brocia 2 ^a de sopoltöra de + Maria Dapoz Clara + Sepl Chiusura + Roslinda y + + Sepl y Tarejia Deiaco
21.05.24 <i>Hermann Josef, Estela</i> Dedolönesch	<i>degöna Mëssa</i>	19.30 Corona tla capela da Seres
22.05.24 Dedemesaledema <i>Rita da Cascia, Renata, Iulia</i>	20.00 Corona de ma sö Frëina	7.30 Mëssa + Severina Costa + Sepl Clara, Sanví + Nando Clara
23.05.24 <i>Berto, Desider</i> Jöbia	19.30 Corona de ma a Bioch	
24.05.24 <i>S. Maria dal aiüt, Ester</i> Vëndres <i>De de oraziun por la Dlijia tla Cina</i>	18.30 Adoraziun chîta 19.00 Adoraziun deboriada	16.30 Funziun de ma por mituns y families 19.30 Corona de ma fora dala Grota
25.05.24 Sabeda <i>Beda, Urban</i>	18.30 Mëssa prefestia + + + Sepl, Sabina y Milio Flöss + + + Maria, Pire y Tone Unterweger + Giovanni Tavella	13.00 Noza de Evelin Daporta y Franzl Frenademez
26.05.24 DOMËNIA DLA TRINITÉ	7.45 Corona 8.15 Gran Mëssa por la Comunité en onur dl Spirit Sant + + Zingerle, Col 19.30 Corona de ma sö Ju	Festa dla Pröma Comuniun 10.00 Ingres y festa dla pröma Santa Comuniun



Ví, Spirit Sant, a fá döt nü,
cun forza ví a nes implí,
cun tüa parora y to fle
ví a cherié y renové.

Consoladú ví jö dal alt
y dlungia stái a chi ch'è stanc;
raieia fora löm y fuch
ch'i dá ai debli slöm danü.

Ortié da Dî onipotënt
cun gran sciosciüre y n dër vënt,
ch'i ströms se mëtes a baié
y aldes düc la verité.

Inflama cör y sentiment
y döt nosc fá tl amur rovënn;
bëgn debl é nosc corp y sanch
d'arjunje ci ch'è bun y sant.

Ví, Spirit, tëgn le mal dalunc
y fá varéi la pesc indlunch;
condüjesse por le dër tru
y fásse crësce tla virtú.

Tl amur de Crist le Fi de Dî
nes oste lié al Per' dl cil;
dla vita che i un da te
dilan y lalt tl'eternité.

Singen, tonzn, lochn - heint lossmos krochn - Drum seits gscheid - kemts vorbei!
Einladung zur Abschlussveranstaltung vom Musigkischtl XXL
am 28. Mai 2024 um 18.00 in der Grundschule Campill